

四庫全書

子部

欽定四庫全書

子部

山海經廣注卷十五至十八

詳校官侍郎臣謝墉

侍讀臣孫球覆勘

總校官知縣臣繆琪

校對官編修臣陳昌齊

謄錄監生臣張丹崑

欽定四庫全書

山海經廣注卷十五

仁和吳任臣注

大荒南經

南海之外赤水之西流沙之東

郭曰赤水出崑崙山流沙出鍾山也有獸

左右有首名曰跂踴

郭曰出狻猊名國黜惕兩音任臣案駢雅曰跂惕屏蓬兩首獸也事

物紺珠云跂踴左右有首又佩有三青獸相并名曰雙

雙郭曰言體合為一也公羊傳所云雙雙而俱至者蓋謂此也任臣案獸經曰文文善呼雙雙善行駢志

云雙雙合體蛩蛩假足麟書曰雙雙俱來孟極是覆五  
侯鯖云雙雙在南海外三青獸合為一體駢雅曰流沙  
之東三獸相并曰雙雙徐氏賓遠賦獸則摩伽  
招賢獨步雙雙又雙雙亦鳥名見讀書考定

有阿山者南海之中有汜天之山赤水窮焉

郭曰流極于此山也

任臣案離騷曰遵赤水而容與又黃帝失玄珠于赤水皆此水也赤水之東有蒼梧之

野舜與叔均之所葬也

郭曰叔均商均也舜巡狩死于蒼梧而葬之商均因留死亦葬

焉基今在九疑之中

任臣案顧起元說畧曰孟子舜生于諸馮遷于負夏卒于鳴條諸馮負夏鳴條皆在河

南北故葬于紀所謂紀市也今帝墓在安邑而安邑有鳴條陌去紀才兩舍竹書郡國志等皆言帝葬蒼梧則

自漢失之禮記是也至鄭康成遂以鳴條為南蠻之地大荒南經云蒼梧之野舜子叔均之所葬九疑山記亦

謂商均寔其陰豈非商均徙此因葬之後世遂以為虞  
帝墳耶若海內經云舜之所葬在長沙零陵界中後人  
所增長沙零陵名出秦漢非古明也又困學記聞其說  
與顧類見海內南經注此云舜與叔均所葬而顧云  
舜子叔均所葬爰有文貝郭曰即離俞郭曰即離朱鳩久郭曰

即鵠鵠也任臣案博物志鵠鵠鵠鵠其鷹賈郭曰賈

抱以賂李時珍曰鴉鵠鵠鵠皆惡鳥也亦鷹屬

任臣案莊子有雅賈委維郭曰即熊羆象虎豹狼任

馬融亦曰賈鳥鳥類也委蛇也

案爾雅狼牡視肉

有滎山滎水出焉黑水之南有玄蛇食麀郭曰今南方

此類任臣案方輿勝覽云鱗蛇出安南雲南鎮康州

臨安沅江孟養諸處長丈餘有四足黃黑鱗二色能食

山海經廣注

二

麋鹿即斯類也

有巫山者西有黃鳥帝樂八齋

郭曰天帝神仙樂在此也任臣案真行子云

禹駐巫山之下大風卒至遇雲華夫人拜而求助淮南云巫山之上順風縱火膏夏紫芝與蕭艾俱死即此山也郭子章曰巫咸以鴻術為帝堯醫師生黃鳥于巫山為上公死為貴神封于斯山因名巫山

司此玄蛇

郭曰言主之也

大荒之中有不庭之山滎水窮焉有人三身帝俊妻娥

皇生此三身之國

郭曰蓋後裔所出也任臣案海內經帝俊生三身是也與海外西經者

殊姚姓黍食使四鳥

郭曰姚舜姓也任臣案楊慎云黍食言猶火食也他如盈民之國

於姓黍食不死之國阿姓甘木是食蠨民之國桑姓食黍焦僥之國幾姓嘉穀是食又有鮑姓之國食黍大荒北經則有毛民之國依姓食黍儋耳之國任姓食穀明不與之國烈姓食黍深目之國盼姓食魚魚山威姓食黍苗民釐姓食肉殊方豈有姓哉蓋禹錫土姓而覃及四表也書所謂聲教訖四海此亦可証今南蠻人有合國同一姓者其遺俗乎其曰食木葉有淵四方四隅皆食魚食木實王制所云不火食者也

達郭曰言淵四角皆旁通也北屬黑水南屬大荒郭曰屬猶連也北旁名曰

少和之淵南旁名曰徙淵郭曰音馳馬之馳案古音畧引此作徙淵任臣舜

之所浴也郭曰言舜嘗在此中澡浴也

又有成山甘水窮焉郭曰甘水出甘山極此中也任臣案郭義恭廣志曰甘水在西域

之東名曰新陶水水甘有季禺之國顓頊之子食黍曰郭

言此國人顓頊有羽民之國其民皆生毛羽任臣案羸蟲

項之裔子也海東南崖巘間有人長頰鳥喙赤目白首生毛羽似人

而卵生是與卵民本一國也括地圖曰羽民有羽飛不

遠去九疑四萬二千里歸藏啓筮曰金水之子其名曰

羽蒙乃羽民是生百鳥金樓子云舜時貫胷羽民皆至

路史餘論云舜九載羽民獻火浣布冠編舜時羽民庭

裸國大人反踵咸被其澤劉鳳雜俎曰毛人羽民之黨

有卵民之國其民皆生卵郭曰即卵生也任臣案中

麗之先夫餘王常得河伯女感日光而孕生一卵一男

子破殼而出名曰朱蒙平壤錄云五鳳元年朝鮮有蘇

伐公者得大卵于蘿林有嬰兒剖卵而出長有聖德六

村異之立為西於方言君也廣志繹云黎人之先雷揖



一蛇卵中為女子是生黎人故云黎姚之山賢愚經云  
昆舍離懷祗生三十二卵卵中各出一兒勇健非凡玄  
應錄曰世羅優波世羅二比丘從鶴卵生又彌  
伽羅母生三十二子般遮羅生五百子皆卵生

大荒之中有不姜之山黑水窮焉

郭曰黑水出崑崙山任臣案萬水皆清

斯水獨黑今雲南開滄江是古黑水也

又有賈山汔水

出焉又有言山又有登備之山

郭曰即登葆山群巫所從上下者也

有𤑔

𤑔之山

郭曰音如券契之契

又有蒲山澧

郭曰音禮

水出焉又有隗山

郭曰音如隗

其西有丹其東有玉又南有山漂水出焉

郭曰

音有尾山有翠山

郭曰言此山有翠鳥也

任臣案劉會孟云周時有國獻青鳥疑是此鳥

有盈民之國於姓黍食又有人方食木葉

有不死之國阿姓甘木是食

郭曰甘木即不死樹食之不老任臣案劉會孟云

祖州海島產不死草一株可活一人盧枏蟻蠓集云瓊琬不死之芝瑤岩返魂之樹

大荒之中有山名曰去瘞南極果北不成去瘞果

郭曰音如

風瘞之瘞未詳任臣案皆山名二合三合語也王崇慶釋義謂去瘞者去志也去志不果知進而不知退也

以為寓言謬矣

南海渚中有神人面珥兩青蛇踐兩赤蛇曰不廷胡余

郭曰一神名耳任臣案宛委餘編作不返胡余續通考廷亦作返有神名曰因因乎南

方曰因乎夸風曰乎民

郭曰亦處南極以出入風

有襄山又有重陰之山有人食獸曰季釐帝俊生季釐

任臣案舜生商均季釐又庶子七人

故曰季釐之國有緡淵

郭曰音昏任臣案路史

季釐封于緡後為夏桀所克國名記云今濟之金鄉未審是非

少昊生倍伐倍伐降處

緡淵

任臣案路史少昊元妃生倍伐降處緡淵既封為茂氏又國名記少昊後有倍國注云倍伐倍宜

國也茂姓夏滅之

有水四方名曰俊壇

郭曰水狀似土壇因名舜壇也

有載民之國

郭曰為人黃色

帝舜生無淫

任臣案無淫疑即胡公世不淫也然胡公

曾未處南荒意其苗裔別有分支云

降載處是謂巫載民

任臣案陳一中曰帝倍之後有

龍氏巫人封巫為巫氏生載民巫載民盼姓食穀不績不經服也郭曰言自

然有布帛也不稼不穡食也郭曰言五穀自生也爰有歌舞

之鳥鸞鳥自歌鳳鳥自舞爰有百獸相群爰處百穀所

聚

大荒之中有山名曰融天海水南入焉有人曰鑿齒羿

殺之郭曰射殺之也任臣案服虔云鑿齒齒長五尺以鑿食人釋義曰羿殺鑿齒重出

有蜮山者有蜮民之國郭曰桑姓食黍射蜮是食郭曰音惑蜮短

狐也似鼈含沙射人中之則病死此山出之亦以名云任臣案陸璣云蜮一名射影孫思邈云一名射工玄

中記謂之水狐蟲酉陽雜俎謂之抱搶五行傳曰南方淫惑之氣所生故謂之蜮詩云如鬼如蜮楚辭曰魂兮無南蜮傷躬只又南中有鬼有人方扞弓射黃蛇郭曰彈沙蟲二種毒亦等于含沙

也音名曰蜮人

有宋山者有赤蛇名曰育蛇有木生山上名曰楓木楓

木蚩尤所棄其桎梏

郭曰蚩尤為黃帝所得械而殺之已摘棄其械化為樹也任臣

案王瓘軒轅本紀云黃帝殺蚩尤于黎山之丘擲其械于大荒之中化為楓木之林又齊丘化書老楓化為羽人任昉述異記南中有楓子鬼木之老者為人形即嶺南所謂楓人也然則楓亦善變之物哉梁元帝集云斬長翟于駒門挫蚩尤于楓木本此是謂楓木郭曰即今有人方齒虎尾

名曰祖狀之尸

郭曰音如祖黎之祖

有小人名曰焦僥之國

郭曰皆長三尺任臣案說文云西南僂人焦僥从人蓋在坤

地頗有順理之性幾姓嘉穀是食

大荒之中有山名殤塗之山

郭曰音朽任臣案升庵外集作殤塗青水

窮焉

郭曰青水出崑崙之山赤水窮焉不姜之山黑水窮焉殤塗之山青

水窮焉白水之山白水窮焉不庭之山滎水窮焉伐有山甘水窮焉則衆流各有窮處至此即化氣而升也

雲雨之山有水名曰欒禹攻雲雨

郭曰攻謂槎伐其林木任臣案劉鳳雜

組云禹攻雲雨伐其樹木有赤石焉生欒

郭曰言山有精靈復變黃生此木于赤石之上

木赤枝青葉群帝焉取藥

郭曰言樹花實皆為神藥

有國曰顓頊生伯服

任臣案世本云顓頊生偁偁字伯服

食黍有鼬姓之

國

郭曰音如橘柚之橘

有茗山又有宗山又有姓山又有壑山又

有陳州山又有東州山又有白水山白水出焉而生白

淵昆吾之師所浴也

郭曰昆吾古王者號音義曰昆吾山名谿水內出善金二文有異莫

知所辨測

有人名曰張弘在海上捕魚海中有張弘之國

郭曰

或曰即奇肱人疑非

食魚使四鳥有人焉鳥喙有翼方捕魚于海

大荒之中有人名曰驩頭

任臣案驩頭一作鴈兜古文尚書又作鴈

鯨妻

士敬

任臣案國名記學海俱作蘇妻士敬氏

士敬子曰炎融生驩頭

任臣案路

史縉雲氏帝鴻之胄也妻士敬氏曰炎融遺腹而生驩頭蛙螢子曰山海經蘇妻士敬士敬子曰炎融生驩頭又曰顓頊生驩頭驩生三苗其文甚明路史考信于經取兜生苗而不取蘇生兜故推兜而納諸縉雲合士敬炎融為一婦人而為縉雲之妻不可通左傳驩兜為帝鴻之子又推縉雲而納諸帝鴻凡以泥經文而左其解故至此夫驩兜帝鴻之胄士敬之孫炎融之子而顓頊之出也蘇以其子妻士敬而生融以至兜蘇祖顓頊是兜亦顓頊之出故曰顓頊生驩兜驩頭人面鳥喙有驩兜生三苗不然經顧自為杌鑿哉驩頭人面鳥喙有翼食海中魚杖翼而行郭曰翅不可飛倚杖之用行而人人面鳥喙而有翼手足扶翼而行為人狼惡不畏風雨即此也又五音集韻云鵬鵬人面鳥喙有翼不能飛



似語此也  
鳴音兜

維宜芑芑穆楊是食

郭曰管子說地所宜云其種穆紀黑黍皆禾類

也芑黑黍今字作禾旁起拒虬三音任臣案爾雅芑白苗穆正韻音六前種後熟曰穆楊白楊也嫩葉可食

老葉可作麵料有驪頭之國

任臣案羅泌曰緡雲氏妻士敬氏曰炎融生驪頭驪頭者驪兜也弘

農有地名兜志為驪兜之都然意驪為國當如魯驪未必兜地其後竄之崇山則澧之慈利也有驪兜墓又嶺外驪州圖經記以為其竄所樂史亦記驪州為所放處則去崇山遠矣

帝堯帝嚳帝舜葬於岳山

郭曰即秋山也

爰有文貝離俞鳩久

鷹賈延維視肉熊羆虎豹朱木赤枝青華玄實有申山

者

大荒之中有山名曰天臺高山海水入焉

東南海之外甘水之間有羲和之國有女子名曰羲和

方日浴於甘淵

郭曰羲和蓋天地始生主日月者也故啟筮曰空桑之蒼蒼八極之既張乃有

夫羲和是主日月職出入以為晦明又曰瞻彼上天一

明一晦有夫羲和之子出于陽谷故堯因此而立羲和

之官以主四時其後世遂為此國作日月之象而掌之

沐浴運轉之于甘水中以效其出入湯谷虞淵也所謂

世不失職耳羲和者帝俊之妻任臣案羲和生十日任臣案

招賦俊妻甘淵十日堯舜謂此也宗錄子云遠裔遑遑

附神明之後生日生月蓋云生子各名以日月之數也

有蓋猶之山者其上有甘相枝幹皆赤黃葉白華黑實

東又有甘華枝幹皆赤黃葉有青馬有赤馬

任臣案青馬驪赤馬

驪名曰三騅

任臣案爾雅蒼白雜毛騅詩有騅此則良馬之異名也疑非

有視肉

有小人名曰菌人

郭曰音如朝菌之菌任臣案抱朴子云芝有石芝木芝肉芝菌芝凡數

百種千歲蝙蝠萬歲蟾蜍山中見小人皆肉芝類也南越志曰銀山有女樹天明時皆生嬰兒日出能行日沒死日出復然事物紺珠云孩兒樹出大食國赤葉枝生小兒長六七寸見人則笑菌人疑即此又嶺海異聞注香山有物如嬰孩而裸魚貫同行見人輒笑至地而滅泰泉黃佐目擊之又商人高氏見清遠縣山中有小兒奔走儼如人形惟脇下多兩翅耳所說畧同豈亦斯類耶有南類之山爰有遺玉青馬三錐視肉甘華百穀所在

山海經廣注卷十五

欽定四庫全書

山海經廣注卷十六

仁和吳任臣注

大荒西經

西北海之外大荒之隅有山而不合名曰不周負子曰郭

淮南子曰昔者共工與顓頊爭帝怒而觸不周之山天

維絕地柱折故今此山缺壞不周匝也

任臣案爾雅

八極西北曰不周中天佚典曰不周覺亘為乾坤翰楚

辭右衽拂于不周司馬大人賦廻車竭來兮絕道不周

張衡思立賦縱余終乎不周楊雄甘泉賦躡不周之逵

蛇阮籍詩日沒不周西盧枏賦跨乾樞兮幹不周又云

跨不周兮騎轟雷江暉賦羗又畢乎獠狐鍛不周以彌  
昊皆謂此山通鑑前編云不周之巔有宣城焉日月之  
所不屆而無四時昏晝之辨燧人氏于是視乾象而察  
辰心自不周之山遊於日月之都亦斯山也又案天問  
云康回憑怒墜何故以東南傾尹子盤古篇云共工觸  
不周山折天柱絕地維女媧補天射十日江淹遂古篇  
共王所觸不周山兮劉子兵術曰顓頊爭于不周楊炯  
李少君碑共工則折柱傾維崩騰于海縣文心雕龍云  
康回傾地仁羿蹕日柳子晉問云又似有兩黃獸守之  
共工觸不周而天柱折即此山事也

有水曰寒暑之水水西有濕山水東有幕山郭曰音莫有禹

攻共工國山郭曰言攻其國殺其臣相抑于此山啓筮曰共工人面蛇身朱髮也任臣案荀子

云禹伐共工又神異經西北荒有人焉人面朱髮蛇身人手足而食五穀禽獸煩愚名共工即此

有國名曰淑士顓頊之子郭曰言亦出自高陽氏也有神十人名曰

女媧之腸

郭曰或作女媧之腹

化為神處栗廣之野

郭曰女媧古神女而帝者

人面蛇身

一日中七十變其腹化為此神栗廣野名媧音瓜任臣紫冠編女媧百三十歷陟化神于栗廣之

野真源賦云女媧治百有三十載而落其腸爰化而神路史云女媧道標萬物神化七十鴻烈解云上駢生耳目桑林生臂手女媧所以七十化也仙人紫檀歌云三十六變世應知七十二化處其位王逸楚辭注女媧七十化其體此淮南等有博土為人為七十化之術曹植女媧贊曰或云二君人首蜮形神化七十何德之靈柳宗元天對曰媧軀虺號占以類之何日化七十工或詭之河圖挺佐輔云女媧牛首蛇身宣髮玄中記曰伏羲龍身女媧蛇身開山圖曰坤神字揚曜王號曰女媧世紀云女媧一日女希均藻云子午谷有女媧堡符雄屯師

處橫道而處郭曰言斷道也有人名曰石夷來風曰韋郭曰來或作本

也處西北隅以司日月之長短郭曰言察日月晷度之節有五彩之

鳥有冠名曰狂鳥郭曰爾雅云狂夢鳥即此也任臣案孔融周歲論曰羽儀屯集狂鳥穢

之宛委餘編云五采芝鳥有冠似鳳名狂鳥張萱彙雅曰狂亦作鷺或云鷓屬有大澤之長

山有白民之國

西北海之外赤水之東有長脰之國郭曰脚長三丈任臣案玄覽曰盛

海之東其民穿胃赤有西周之國姬姓任臣案國名記高辛氏後有西

水之東其民長脰周國蓋叔均國也食穀有人方耕名曰叔均帝俊生后稷郭曰俊宜



為譽譽第二妃生后稷也任臣案陳一中曰帝皓生而神靈自言其名曰爰爰俊也古字通帝譽之為帝俊此事之辨者乃郭璞注山海經謂為帝舜至帝俊生后稷則曰宜為譽不知俊即譽而反疑經文為譌經又曰帝俊有子八人益八元為益信任臣又案華陽志高辛氏名爰冠編云帝虞一名爰是帝爰已有二人而俊生季釐則俊又似舜

稷降以百穀稷之弟曰台塋

郭曰生叔音胎

也是所未解

均任臣案羅泌同姓名辨觀叔均而思稷子是以叔均為均稷之子也据海內經稷之孫曰叔均則叔均非稷之

子并非從子明矣經疑有叔均是代其父及稷播百穀誤又商均亦曰叔均非此

始作耕有赤國妻氏有雙山

西海之外大荒之中有方山者上有青樹名曰柜格之

松郭曰水名音矩日月所出入也

任臣案游氏臆見曰柜格之松在西海外為日月所出入

西北海之外赤水之西有先民之國食穀使四鳥有北

狄之國黃帝之孫曰始均始均生北狄有芒山有桂山

有嵯山

郭曰此山多桂及嵯木因名云耳任臣案初學記引此作瑶山

其上有入號

曰太子長琴

任臣案虞汝明古琴疏曰祝融取嵯山之楓作琴彈之能致五色鳥一曰皇來二曰

鸞來三曰鳳來故

顓頊生老童

郭曰世本云顓頊娶于滕璿氏謂之女祿產老

童也勝奔也

任臣案國名記滕璿作勝漬注云高陽妃勝奔氏國或作騰隍誤

老童生祝融

郭曰即重黎也高辛氏火正祝融曰祝融也族源流云顓頊次妃勝奔氏生子三人伯偃卷章季禺

任臣案氏

卷章或作老童季禺生叔歆卷章娶祝融生太子長琴  
根水氏生二子曰黎曰回黎為祝融祝融生太子長琴

是處嵯山始作樂風

郭曰創制樂風曲也任臣案陳士元荒史祝融生二子曰長琴曰

噓噓處西極長琴居嵯山樂風隋元德太子哀冊文遽  
瑤山之頽壤忽桂宮之毀構唐睿宗受禪制方流樂風  
之緒宜申游雷之澤陳子龍賀太子生表樂風誕聖長  
琴著山海之經又唐書許敬宗等勒書五百卷名嵯山  
王彩又裴光庭獻嵯山住則明皇  
詔太子諸王謝之義皆取此也  
有五彩鳥三名一曰

皇鳥一曰鸞鳥一曰鳳鳥有蟲狀如菟胷以後者裸不

見郭曰言皮色青故  
不見其裸露處

青如猿狀

郭曰狀又似猿

大荒之中有山名曰豐沮

任臣案冠編作豐阻

玉門日月所入有靈

山巫咸巫即巫盼巫彭巫姑巫真巫禮巫抵巫謝巫羅

十巫從此升降百藥爰在

郭曰羣巫上下此山采之也任臣案酉陽雜俎云大荒

靈山有十巫咸曰即盼彭姑具禮抵謝羅從此升降盼作盼真作具未審孰是又水經注引此巫真作巫貞巫禮作巫孔楊慎均藻亦云巫孔為十巫之一又同姓名錄云開明有巫履豐沮有巫禮履禮恐是一人南華逸篇云黔首多疾黃帝氏立巫咸以通九竅論衡曰巫咸能以祝延人之疾郭氏巫咸山賦序巫咸以鴻術為帝堯之醫高似孫緯畧云巫咸堯之醫者今平陽亦有巫咸頂云是巫咸修真處更有巫咸山巫咸墓巫咸谷在夏縣東又世本巫咸作筮後有神巫曰季咸者祖其名耳楊雄甘泉賦選巫咸兮叫帝閭李賀浩歌云彭祖巫咸幾回死曾益注云巫咸能采藥長生古文苑秦詛楚文曰久湫巫咸亞馳歸歲云昔黃帝將

戰筮于巫咸路史黃帝命巫咸巫陽主筮又星家有甘  
石巫咸三家又商臣亦名巫咸見尚書非此也巫咸或  
作盤咸賈爰集云名盤咸而  
聘之盤音龍廣雅云巫也

西有王母之山壑

郭曰皆羣大靈之山

有沃之國

郭曰言其土沃

饒也沃民是處

任臣案淮南子海外三十六國西北方有沃民

沃之野鳳鳥之卵

是食

任臣案呂氏春秋流沙之西丹山之南有鳳之丸沃民所食

甘露是飲凡其所

欲其味盡存

郭曰言其所願滋味此無所不備

爰有甘華甘相白柳

任臣

案吳淑柳賦云沃民視肉三雕璇瑰瑤碧

郭曰璇瑰亦玉名穆天子

傳曰枚斯璿

白木琅玕

郭曰樹色正白今南方有文木亦黑木也任臣案文木即烏

木逸周書謂之閭木張勅吳錄云南宋銅縣有文木嵇含草木狀曰文木樹高七八丈其色正黑如水牛角

白丹青丹

郭曰又有黑丹也孝經援神契曰王者德至山陵而黑丹出然則丹者別是彩色亦猶黑

白黃皆云丹也

任臣案尚書大傳丹丘出丹艧青丘出青艧是丹與青皆名艧也則丹為彩色之名益信

多銀鐵鸞鳥自歌鳳鳥自舞爰有百獸相群是處是謂

沃之野

任臣案鴻烈解西金丘沃野為八紘之一

有三青鳥赤首黑目一名

曰大鷲一名少鷲

郭曰音黎

一名曰青鳥

郭曰皆西王母使也任臣案曹植

辨道論三鳥備設不如百官之美也陶弘景詩銜書必青鳥嘉客信龍璫江淹陰長生贊若渡西海時致意三青鳥梁元帝與劉智藏書弱水難浮猶致書于青鳥李長吉詩符因青鳥送皆指此也拾遺記曰軒渠國多九

色鳥青口綠脰紫翼紅膺紺頂丹足碧身綳背玄尾其青多紅少謂之繡鸞或云是西王母之禽疑即三青鳥類有軒轅臺射者不敢西嚮射畏軒轅之臺郭曰敬難

任臣案鴻烈解軒轅丘在西方黃帝祠額解云西至崑崙有軒轅宮與臺若丘射者不敢西向湘東王詩寂寥千載後誰上軒轅臺庾信爾綿柱國碑軒臺受氏若水降居崔融表攀龍不及顧慕軒轅之臺湯顯祖表邾鄆之鼎方圖軒轅之臺已閔朱應登北風行軒轅臺前燭龍晦劉鳳九頌云吾登軒轅之臺而四顧本此也名勝志云今直隸保安州西南界之喬山上亦有軒轅臺廣輿記岳州府君山亦有軒轅臺

大荒之中有龍山日月所入有三澤水名曰三淖昆吾

之所食也

郭曰穆天子傳曰滔水濁繇氏之所食亦此類也

有人衣青以袂蔽

面郭曰名曰女丑之尸有女子之國郭曰王頎至沃沮國盡東界問其省

老云國人常乘船捕魚遭風見吹數十日東一國在大海中純女無男即此國也任臣案玄覽曰葱嶺之西

西女之國產男輒不舉也拂菻歲遣男子配焉茂州之西東女之國其貴人死糝余屑而瘞之

有桃山有蚩山有桂山有于土山有丈夫之國郭曰其國無婦

人有弇州之山任臣案括地象正西弇州曰并土隋書作十州開土為崑崙九州之一南華經

云大荒之中弇州之北穆天子傳天子登于弇山之上王世貞以為即此地也江淹赤虹賦云帝臺北荒之際

弇山西五彩之鳥仰天郭曰張名曰鳴鳥爰有百樂歌海之濱口噓天

儻之風郭曰爰有百種伎樂歌儻風曲任臣案荒史曰祝融氏一曰祝誦又曰祝和聽弇州之鳴鳥



作屬續之樂以通倫類廖道南楚紀贊曰弇州之聲庸制樂歌王融曲水詩序名鳴鳥于弇州追伶倫于嶰谷

本此黃氏事物紺珠云有軒轅之國郭曰其人人面蛇身鳴鳥身五色聲有曲度

云尾處江山之南棲為吉郭曰即窮山之際也首上居為棲吉者言無凶天不壽

者乃八百歲郭曰壽者數千歲西海渚中有神人面鳥身耳兩

青蛇踐兩赤蛇名曰弇兹任臣案冠編六上紀有弇兹氏人面鳥身劉會孟云海外

國神多以蛇為耳踐又有蛇洲

大荒之中有山名曰日月山天樞也吳姬天門日月所

入任臣案蓋天論須彌山為天樞日月行于其腰與此說類盧柟放招賦云吳姬晻昧日月所翳即此也

有神人面無臂兩足反属于頭上名曰噓

郭曰言噓啼也任臣案

圖贊曰脚属于頭人面無手厥號曰噓重黎所處

顓頊生老童

任臣案譙周古史曰老童即卷

章羅革云卷章史或作老童

老童生重及黎

郭曰世本云老童娶于根水氏謂之驕福產重

及黎任臣案冠編云老童音如鐘磬死為驪山之神娶女驕生黎回

帝令重獻上天令

黎叩下地

郭曰古者人神雜擾無別顓頊乃命南正重司天以属神命火正黎司地以属民重實上

天黎實下地獻叩義未詳也任臣案路史作重載上天

下地是生噓處于西極以

行日月星辰之行次

郭曰主察日月星辰之度數次舍也

有人反臂名曰天虞

郭曰即尸虞也

有女子方浴月帝俊妻常

義生月十有二此始浴之

郭曰義與義和浴日同任臣案常義有陬氏也或作常

儀一作尚儀士安作常耳又作常宜路史云高辛氏次妃常義生而能言髮迨其踵是歸高辛生太子處及月

十二楊慎云帝俊之妻生十日自甲至癸也生月十又二自子至亥也有玄丹之山郭曰出黑

丹任臣案篇首引經作玄舟之山誤有五色之鳥人面有髮爰有青鵞郭曰

音教黃鵞郭曰音教青鳥黃鳥其所集者其國亡有池名孟翼

之攻顓頊之池郭曰孟翼人姓名任臣案孟翼顓頊臣冠編顓頊紀有載命孟翼攻池天下

人號之曰顓頊之池言厚養于民也

大荒之中有山名曰鑿鑿鉅郭曰鑿音如教日月所入者有獸

左右有首名曰屏蓬

郭曰即并封也語有輕重耳任臣案稽瑞錄云鹿螯山獸左右有

首名有巫山者

任臣案冠編望帝時巫山壑江蜀洪水望帝令鑿令鑿之

有壑山者

有金門之山有人名曰黃姬之尸有比翼之鳥

任臣案即鸛鵒

有白鳥青翼黃尾玄喙

郭曰奇鳥

有赤犬名曰天犬其所

下者有兵

郭曰周書云天狗所止地盡傾餘光燭天為流星長十數丈其疾如風其聲如雷其光如

電吳楚七國反時吠過梁國者是也

任臣案辛氏三秦記秦襄公時白鹿原有天狗來下其上有賊天狗吠

而護之河圖稽燿鈎曰太白散為天狗主候兵元史至正中雲南玉案山下有赤犬羣吠未幾兵亂又唐天寶

中華清宮有天狗院列在諸獸之上杜甫作賦云色似狻猊小如猿狖非此也。又案李白大獵賦殪天狗註

云山海經天門山有赤  
犬名天犬蓋謂此也

西海之南流沙之濱赤水之後黑水之前有大山名曰

崑崙之丘

任臣案化關經曰崑崙山九重重相去九千

名須彌謠呼蘇彌在于闐國西一千三百餘里其水分

流四面去入中國者為黃河入東海其三面各入南西

北海如弱水有神人面虎身有文有尾皆白處之郭曰

黑水之類尾以白其下有弱水之淵環之郭曰其水不勝鴻毛

為點駁山弱水周廻繞匝東南接積石國西北接北戶之室東

北臨大活之井西南至承淵之谷玄中記云神丘有火

穴光景照千里崑崙有弱水鴻毛不能起括地圖曰崑

崙之弱水非乘龍不得至圖贊曰弱出崑山鴻毛是沉

北淪流沙南映火林其外有炎火之山投物輒然郭曰惟水之奇莫測其深

扶南東萬里有耆薄國東復五十里許有火山國其山雖霖雨火常然火中有白鼠時出山邊求食人捕得之以毛作布今之火澣布是也即此山之類任臣案千寶搜神記崑崙之山是惟下都環以炎火之山鄺氏水經注流沙西行極崦嵫之山北山有石以兩石相打則水潤潤盡則火出山石皆然炎起數丈司馬相如大人賦經營炎火而浮弱水兮抗絕浮渚而涉流沙張衡思玄賦躋日中于昆吾兮憇炎火之所陶江淹空青賦西海之草炎山之烟即此也景純炎火山贊曰水含陽精氣結則焚理其微乎其妙不傳他與此類者神異經言荒外有火山生不燼之木十洲記言炎洲有火林山山中有火光金液神丹經庖犁國有火山裔乘云西北有火州其國有火焰山張匡鄴行程記高昌北庭山至夕光燄若炬火玄覽曰毗騫有然火之洲博物志西域且

彌山晝則孔中狀如煙夜則如燈光魏書盤盤國有火  
山山傍皆焦東西洋考云蛟覃山山頭火光日夜不斷  
一統志梧州有火山山上有火每三五夜一見如野燒  
之狀又蜀有火井焚臺蕭丘有自然之火春生秋滅羽  
山有文石生火煙色隨四時而改名為淨火自然洲有  
樹生火以其皮織為火浣布火浣布有二種此其一也  
陸游云火山軍其地耘耨深入則有烈焰風俗記云固  
陰縣有鴻門亭火從地出又海中有沃焦山遇水則燄  
復有然海木華所有人戴勝虎齒有豹尾任臣案穆天  
稱陰火潛然是也  
齒蓬髮困學紀六處名曰西王母郭曰河圖玉版亦曰  
聞作狗尾蓬髮  
西山經曰西王母居玉山穆天子傳曰乃紀名迹于弇  
山之石曰西王母之山也然則西王母雖以崑崙之宮  
亦自有離宮別窟游息之處不專住一山也故記事者  
各舉所見而言之  
任臣案胡應麟筆叢曰經稱西王

母豹尾虎齒當是人類殊別考穆天子傳云天子賓于西王母觴于瑤池之上西王母為天子謠天子執白圭玄璧及獻錦組百純組三百西王母再拜受之則西王母服食語言絕與常人無異並無所謂豹尾虎齒之象惟司馬大人賦有豹尾虎齒之說蓋据山海經耳乃山海經則何所据哉任臣竊謂西王母黃帝時乘白鹿授地圖舜時獻白玉琯穆王時西王母來賓特不過西方一國如八百媳婦名爾若豹尾虎齒則亦貫胸儋耳之類又何足怪後世好事家以西王母等于麻姑上元夫人之列甚至謂漢武帝降西王母于七夕若果有其事者則文人附會之過也爾雅觚竹北户西王母日下謂之四荒漢書西域傳云安息長老傳聞條支有弱水西王母亦未嘗見也此山萬物盡有

大荒之中有山名曰常陽之山日月所入



有寒荒之國有二人女祭女歲

郭曰或持解或持俎

有壽麻之國

郭曰呂氏春秋曰南服壽麻北懷關耳任臣案爾雅八極西曰邠國曰壽靡即壽

麻也劉子威雜俎曰焦僥壽麻之國

南岳娶州山女名曰女虔女虔生季格

任臣案冠編黃帝鴻初為南岳

之宜故名南岳女虔學海作女虔又路史曰帝鴻生白民及嘻嘻生季格季格生帝魁注云嘻嘻其南岳也未審孰是季格生壽麻任臣案季格妻任己感神而生魁及壽麻見冠編壽麻正立無

景疾呼無嚮

郭曰言其稟形氣有異于人也列仙傳曰玄俗無景任臣案無景者中國時有其

人侍兒小名錄周昭王時東甌獻二女曰延娟延嬋步塵無迹日中無景風俗通云真人無景白帖云仙人與

虛合體日中無景故韓終久服丹無景又丙吉驗老人之子無景張元始九十七始生子遂無景南史稱梁武帝映日無景又勃鞞之國無翼而飛日中無景見拾遺記王明英歷體畧云赤道下春秋分日中無景淮南曰建木在都廣日中無景又曰馮夷大丙之御爰有大暑也照日光而無景此言其疾非真無景也

不可以往

郭曰言熱災殺人也任臣案西儒云地在黃道線下者大熱不可居其人常晝伏水中

宋濂演連珠云壽麻有人無首操戈盾立名曰夏耕之

尸

郭曰亦形天尸之類任臣案經載奢比據比女姬貳負王于夜肝榆犁齔夏耕閼宣王之尸不一而足

詳其名義大都如今人尸故成湯伐夏桀于章山克之

郭曰千章山名任臣案章山名斬耕厥前郭曰頭亦大沙或云沙丘郭作千章山疑非

在前者

耕既立無首走厥咎

郭曰逃避罪也

乃降于巫山

郭曰自竄于巫山巫山今

在建平巫縣

有人名曰吳回奇左是無右臂

郭曰即奇肱也吳回祝融弟亦為火正也任

臣案姓氏源流黎卒帝嚳以回代之封于吳是為吳回吳回生陸終其支庶為陸終氏蛙螢子言祝融有七吳回亦祝融之一也

有蓋山之國有樹赤皮支幹青葉名曰朱木

郭曰或作朱威木也

有一臂民

郭曰北極下亦有一脚人見河圖玉版任臣案事物紺珠云一臂人一手一目鼻一孔

大荒之中有山名曰大荒之山日月所入有人焉三面

一臂

郭曰無左臂也

任臣案路史禹紀云西過奇肱三面黃帝祠額解曰三面一臂莫非子孫謂此

三面之人不死

郭曰言人頭三邊各有面也玄菟太守王頎至沃沮國問其耆老云復有一破

船隨波出在海岸邊上有一人項中復有面與語不解了不食而死此是兩面人也呂氏春秋曰一臂三面之

鄉也

任臣案博物志云兩面人在沃沮東大海中又後漢東國傳及魏志皆云北沃沮有兩面人江淹遂古

篇長臂兩面乘

是謂大荒之野

任臣案張揖上林賦注過乎泂莽之埜山海經

赤船兮是也

所謂大荒之野也

西南海之外赤水之南流沙之西有人珥兩

青蛇乘兩龍名曰夏后開開上三嬪于天

郭曰嬪婦也言獻美人于

天帝任臣案吳淑事類賦夏后三嬪之獻太康五子之須本此

得九辯與九歌以下

郭曰皆天帝樂名也開登天而竊以下用之也開筮曰  
昔彼九冥是與帝辯同宮之序是為九歌又曰不得竊  
辨與九歌以國于此天穆之野高二千仞郭曰竹書曰  
下義具見于歸藏此天穆之野高二千仞郭曰竹書曰  
是維若陽居開焉得始歌九招郭曰竹書曰夏后開舞  
天穆之陽也九招也任臣案楚辭  
天問云啓棘賓商九辯九歌洪興祖引此為注朱子斥  
之審矣以為啓棘賓天當是啓夢賓天然則經云開上  
三嬪于天者要是夏啓三夢上賓于天得傳天帝之樂  
以下如秦穆聽鈞天之奏唐皇效霓裳之舞也嬪宜作  
賓楚辭足證其誤謂獻三美女于天帝者謬矣又九歌  
與虞書合考亭斷為舜禹之樂九招亦古樂名文心雕  
龍云帝嚳之世咸墨為頌以歌九招未審是非又路史  
注曰山海經上三嬪于天得九辯與九歌以下天指舜  
禹尊其賜爾謂天帝之樂啓登天竊之以下妄也劉基  
樂府曰天穆之野二千仞天帝所以觴百靈三嬪不下

兩龍去九歌  
九辯歸杳冥

有互人之國

郭曰人面魚身炎帝之孫郭曰炎帝神農名曰靈愬郭曰音如

券契之契任臣案路史伯靈生鼓鼓生靈愬靈愬生互人是能上下于天郭曰

言能乘雲雨也任臣案國名記曰炎帝孫靈愬生氏人為氏國俗作互非又歐陽玄暎車志互人國有白玉

城豈即有魚偏枯名曰魚婦顓頊死即復蘇郭曰言其此耶人能變化

也任臣案星槎勝覽占城有飛頭婦號屍致魚夜飛頭入人家食小兒頭返合體如故亦此類也又冠編云

虞幕取顓頊氏女曰魚婦生窮鯀風道北來天乃大水名與此同然語不相蒙疑非是

泉郭曰言泉水得風暴溢出道猶從蛇乃化為魚是謂也韓非曰玄鶴二八道南方而來

魚婦顓頊死即復蘇

郭曰淮南子曰后稷龍在建木西其人死復蘇其中為魚蓋謂此也

任臣案高誘淮南注云人死復生或化為魚楊慎補注曰今南中諸苗能以術呪尸為魚而食之西南國風

土記云邪術有卜思鬼者婦人習之夜化為猫犬遇病者攝其肉唾水中化為水蝦取而貨之即斯術也圖贊

曰炎帝之苗實生氐人死則復蘇厥身為鱗雲南是託浮游天津有青鳥身黃赤足六

首名曰觸鳥

郭曰音觸任臣案玄覽云互人有六首之觸五音集韻曰氐人國有青鳥赤足六

首曰觸又鴝鳥亦名鸚爾雅觸山鳥是也又南康記石室山有鳥形色鮮潔自愛毛羽若隻者則照水悲鳴亦

名觸此名同而實異者且有音觸似更為一種有大巫山有金之山西南大

荒之中隅有偏勾常羊之山

按夏后開即啓避漢景帝諱云

任臣案胡氏四部正譌曰亦有

古書本不諱後人避本朝之諱而改者如山海經啓皆為開之類

山海經廣注卷十六



欽定四庫全書

山海經廣注卷十七

仁和吳任臣注

大荒北經

東北海之外大荒之中河水之間附禺之山帝顓頊與

九嬪葬焉

郭曰此皆殊俗義所作冢

爰有鷦鷯久文貝離俞鷺鳥鳳鳥

大物小物

郭曰言備有也義曰大物小物皆殉葬之具也

任臣案王氏釋

有青鳥琅

鳥玄鳥黃鳥虎豹熊羆黃蛇視肉璿瑰瑤碧皆出衛於

山郭曰在其丘方圓三百里丘南帝俊竹林在焉大可山邊也

為舟

郭曰言舜林中竹一節則可以為船也任臣案劉須溪說南方荒中有涕竹長數百丈圍三丈五

六尺厚八九寸可以為船又南越志羅浮山巨竹皆七八圍長一二丈謂之龍鍾竹通考云哀牢有竹其節相

去二丈名曰濮竹玄覽云高潘有疎節之竹六尺而一節黎母山有丈節之竹漆州有通節之竹臨賀有十抱

之竹負丘有船竹王會解云路人大竹神異經云南方以節竹為船亦作節竹其長百丈圍二丈五六尺涕幢

小品云南荒有沛竹其長竹南有赤澤水郭曰水名曰百丈皆竹之大者與此類色赤也

封淵

郭曰封有三桑無枝郭曰皆丘西有沉淵顓頊所

浴

有胡不與之國

郭曰一國復名耳烈姓黍食今三合語皆通然

大荒之中有山名曰不咸

任臣案杜佑通典挹婁在不咸山北鄭樵都邑畧云古肅

慎國都不咸山在夫餘東北千餘里

有肅慎氏之國

郭曰今肅慎國去襄平三千餘里穴居無

衣衣猪皮冬以膏塗體厚數分用却風寒其人皆工射弓長四尺勁彊箭以楛為之長尺五寸青石為鏃此春秋時隼集陳侯之庭所得失也晉大興三年平州刺史崔毖遣別駕高會使來獻肅慎氏之弓箭箭鏃有似銅骨作者問云轉與海內國通得用此今名之為挹婁國出好貂赤玉豈從海外轉而至此乎後漢書所謂挹婁者是也任臣案史記作息慎竹書舜二十五載息慎氏來賓汲冢周書云成王之時息慎來賀作賄息慎之命王會解謂之稷慎或作肅昏漢武帝詔海外肅昏徐陵文肅昏茫茫風牛南偃劉會孟云肅慎在漢曰挹婁

魏曰勿吉唐曰靺鞨鬼谷子云肅慎氏饋曰雉于文王  
魏志云自唐暨周肅慎之物皆曠世而至青龍四年肅

慎氏致楮矢晉紀景元三年咸寧五年大興二年肅慎  
皆來饋楮矢石砮即此國也左傳肅慎燕毫吾北土也

杜注云肅慎在玄菟北三千餘里有蜚蜉四翼郭曰蜚  
室兩音江淹遂古篇沃沮肅慎東北邊兮

賦任臣案司馬遊獵有虫獸首蛇身名曰琴虫郭曰亦  
蛇類也賦蛭蜎蜎謂此也

任臣案本草綱有人名曰大人有大人之國釐姓任  
目引此作琴蛇

案國名記帝黍食有大青蛇黃頭食塵郭曰今南方蚺  
蛇食鹿鹿亦塵鴻之後也

屬有榆山有鯀攻程州之山郭曰皆因其  
事而名物也

大荒之中有山名曰衡天有先民之山有槃木千里曰郭

音盤

任臣案後漢永平中白狼槃木唐叢舉種稱臣

楊慎閱覽集云白狼槃木今麗江姚窩地也度其道里

疑非此槃或作盤唐昭仁寺碑苑有叔歆國郭曰音作

葱山而池鹽澤踰盤水而跨熱阪有叔歆國感反一音

觸顓頊之子任臣案顓頊之妻嫫生伯偁卷章季禺忝

李禺是生叔歆古謂其所出者皆為子

食使四鳥虎豹熊羆有黑蟲如熊狀名曰猎猎郭曰或

夕同任臣案篇海引經云牛氏山有黑獸狀如熊名

曰猎猎與本文小異事物紺珠云猎猎如熊黑色盧柟

賦云窮怪異獸猎猎猓猓狹狹猓猓又彙雅宋良犬一

名猎猎然宋猎之猎音鵲與此同字異音也非此獸

有北齊之國姜姓使虎豹熊羆任臣案路史太姜之祖

伯自逢改封于北齊氏族考云炎帝子伯

陵為黃帝臣始封逢改封齊二說不同

大荒之中有山名曰先檻大逢之山河濟所入海北注

焉

郭曰河濟注海已復出海外入此山中也

其西有山名曰禹所積石有陽

山者有順山者順水出焉

有始州之國有丹山

郭曰此山純出丹朱也竹書曰和甲西征得一丹山今所在亦有丹

山丹出土穴中

有大澤方千里羣鳥所解

郭曰穆天子傳曰此至廣原之野飛鳥所解其羽乃于此

獵鳥獸絕羣載羽百車竹書亦曰穆王北征行流沙千里積羽千里皆謂此澤也任臣案瀚海地皆沙磧羣

鳥解羽江淹遂古篇青鳥所解路誠亶

有毛民之國

郭曰

其人面體皆生毛任臣案路史注東毛人等五十國韓昌黎文海外雜國若耽浮羅流求去人即斯國也

依姓食黍使四鳥禹生均國均國生役采郭曰采一作來

生修鞫郭曰音如修鞫殺綽人郭曰帝念之潛為之國

郭曰潛密用為之國任臣案路史塗山氏后趨生啓及均均生固固生伎來生循鞫是殺綽天帝念之

其裔居兜牟山北人號為厥寶是此毛民

有僭耳之國任姓郭曰其人耳大下僭垂在肩上朱崖僭耳鏤畫其耳亦以放之也任臣

案爾雅八極北曰祝栗曰僭耳呂氏春秋云叔逆之所僭耳之居多無君即斯國也淮南子作耽耳博物志作檐

耳禹號子食穀北海之渚中郭曰言在海島中種粟給食謂禺彊也有神

人面鳥身珥兩青蛇踐兩赤蛇名曰禺彊

任臣案禺彊莊子注作禺

京養生雜書曰東海神名阿明南海祝融西海臣乘北海禺彊龍魚河圖云北海神姓名禹帳里又名禺彊天問云伯強何處惠氣安在注伯強即隅彊天神也黃道周續騷經屬強禺為先容兮乃告余以未啓龜藏曰昔穆王子筮卦于禺彊疑非此又續通考引經作禺彊櫃誤

大荒之中有山名曰北極天櫝

郭曰音匱

海外北注焉有神

九首人面鳥身名曰九鳳又有神銜蛇操蛇其狀虎首

人身四蹄長肘名曰彊良

郭曰亦在畏獸畫中

大荒之中有山名曰成都載天有人珥兩黃蛇把兩黃



蛇名曰夸父后土生信信生夸父

任臣案續通考勾龍為后土生子二人曰

垂曰信信生夸父善走為丹朱臣後有夸氏

夸父不量力欲追日景

任臣案冠編曰

夸父足追日臂虎豹而善投以詛臣丹朱

逮之於禺谷

郭曰禺淵日所入也今作虞任臣案禺

谷即虞淵古人音義相通字多假借虞淵又作吳泉捋飲河而不足也將走大澤

未至死于此

郭曰應龍已殺蚩尤

任臣案十三州志壽張有蚩尤祠皇覽云

蚩尤冢在東郡壽張縣常以十月祠之有赤氣出如絳帛民名為蚩尤旗沈括筆談曰解州鹽澤涵色正赤在

坂泉之下俗謂之蚩尤血

又殺夸父

郭曰上云夸父不量力與日競而死今此復云為應龍所殺死

無定名觸事而寄明其變化無方不可揆測

乃去南方處之故南方多雨

郭曰

言龍水物以類相感也

又有無腸之國是任姓

郭曰為人長也

無繼子食

魚郭曰繼亦當作脊謂膊腸也

任臣案淮南子作無繼民即無脊也注云其人無嗣

共工臣名

曰相繇

郭曰相柳也語聲轉耳

九首蛇身自環

郭曰言轉旋也任臣案廣雅曰北

方有民焉九首蛇身其名曰相繇

食于九土

郭曰言貪殘也

其所歟所尼

郭曰歟嘔

猶噴吒

即為源澤

郭曰言多氣力

不辛乃苦

郭曰言氣酷烈

百獸莫能

處郭曰言畏之也

禹湮洪水殺相繇

郭曰禹塞洪水由以溺殺之也

其血腥臭

不可生穀其地多水不可居也

郭曰言其膏血滂流成淵水也

任臣案盧枏

滄溟賦觀乎倚天之闕

禹湮之三仞三沮

郭曰言禹以土塞之地陷

壞也任臣案王世貞續九辨云虞造乃以為池羣帝

是因以為臺郭曰地下宜積土故衆在崑崙之北有岳

之山尋竹生焉郭曰尋大竹名

大荒之中有山名曰不句海水入焉有係昆之山者有

共工之臺射者不敢北向郭曰言畏之也任臣案阮籍詠懷詩共工宅玄冥高臺

造青有人衣青衣名曰黃帝女魃郭曰音如旱魃之魃蚩尤作兵

伐黃帝任臣案應劭曰蚩尤古天子臣璿曰孔子三朝記蚩尤庶人之貪者史記索隱曰黃帝紀諸侯

相侵伐蚩尤最為暴則蚩尤非天子也又管子蚩尤受盧山之金而作五兵明非庶人蓋諸侯號也龍魚河圖

云黃帝攝政有蚩尤兄弟八十一人並獸身人語銅頭鐵額食沙造五兵威振天下黃帝以仁義不能禁止蚩尤天遣玄女下授黃帝兵符伏蚩尤道家謂蚩尤天符之神故行師者禡焉博古圖謂三代彝器多著蚩尤之象以為貪雲之戒其狀如獸附以兩翅春秋元命苞曰蚩尤作霧黃帝作指南車路史云蚩尤兄弟七十二人通典曰蚩尤即魍魎戰于涿鹿黃帝吹角為龍吟禦之漢書武帝時太原有蚩尤神畫見龜足蛇首殃其里里人祀之歸雲集作蚩尤阪泉氏集韻作蚩虺孔安國以九黎君號蚩尤謬漢藝文志蚩尤二篇隋志梁有黃帝蚩尤兵黃帝乃令應龍攻之冀州之野郭曰冀州中土法二卷也黃帝亦教虎豹熊羆以與炎帝戰于阪泉之野而滅之見史記任臣案焦氏易林白龍赤虎戰鬪俱怒蚩尤敗走死于魚口阮嗣宗詩應龍沉冀州妖女不得眠李商隱表裂蚩尤之肩髀謂此事也黃帝玄女戰法曰黃帝與蚩尤九

戰九不勝有婦人人首鳥身是為玄女授黃帝戰法劉  
鳳雜俎曰黃帝與蚩尤戰涿鹿之野蚩尤作大霧帝乃  
命風后作指南車遂擒蚩尤雲笈七籤云黃帝出師伐  
蚩尤于絕轡之野以桐鼓為警黃帝出軍訣曰帝伐蚩  
尤玄龜銜符徙水中出帝備之以征即日擒蚩尤廣成  
子傳云蚩尤銅頭啖石飛空走險以犄牛皮為鼓九擊  
而止之尤不能飛走遂殺之帝王世紀黃帝使應龍殺  
蚩尤于凶黎之丘歸藏啓筮曰蚩尤出自羊水八肱八  
趾疏首登九淖以伐空桑黃帝殺之于青丘寰宇記云  
蚩尤身首異處故壽張鉅鹿俱有冢墓而壽張之冢即  
皇覽所謂肩髀冢也漢宣帝立祠其上應龍畜水蚩尤  
冀州今保安州軒轅都涿鹿是此州也  
請風伯雨師縱大風雨黃帝乃下天女曰魃雨止遂殺  
蚩尤魃不得復上所居不雨  
郭曰旱氣在也任臣案  
玄覽曰旱之妖狀如人長

三尺袒而戴目疾走若風其名曰魃亦謂之狅所見之國赤旱十里抱朴子云山精形如小兒獨足向後夜喜犯人其名曰魃本草注云旱魃山鬼也所居之處天不雨女魃入人家能竊物以出男魃入人家能竊物以歸神異經云南方有魃長二三尺裸身目在頂上行走如風見則大旱一名旱母說郛云南方有人名曰魃所之國大旱一名狅子即魃也魏書載咸平五年晉陽得死魃長二尺面頂各二目通考言永隆元年長安獲女魃長尺有二寸洪武正韻云魃鬼婦詩旱魃為害是也亦作媧文字指歸云女魃禿無髮叔均言之

帝後置之赤水之北

郭曰遠徙之也

叔均乃為田祖

郭曰主田之官詩云

田祖有神

任臣案魏書昌意之裔始均入仕堯世魃逐女魃于弱水之北民賴其勤帝舜嘉之命為田祖魃

時亡之

郭曰畏見逐也

所欲逐之者令曰神北行

郭曰向水位也

先除

水道決通溝瀆

郭曰言遂之必得雨故見先除水道今之遂魃是也

有人方食魚名曰深目民之國盼姓食魚

郭曰亦胡類但眼絕深黃

帝時姓也

任臣案國名記作目深國盼作盼高陽氏之後也

有鍾山者

任臣案張平子云過鍾山而中休蓋謂此山以上有燭龍之句也

有女子衣

青衣名曰赤水女子獻

郭曰神女也

大荒之中有山名曰融父山順水入焉有人名曰犬戎

黃帝生苗龍苗龍生融吾融吾生弄

郭曰一明任臣案作卞史記正

義云融吾生并明

弄明生白犬白犬有牝牡

郭曰言自相配合也任臣案白犬

黃帝之曾孫其名若後世犬子佛狸虎狔非狗犬也又云有北牡蓋若今之婆羅門半釋迦具陰陽二體者應劭書遂以為高辛犬名槃瓠妻帝女生六男六女自相夫婦趙氏說文長箋亦云槃瓠之種犬也其說實衍于此是為犬戎肉食有赤獸馬狀無首名曰戎宣王尸郭

犬戎之神名也任臣案此神獸狀非真獸也

有山名曰齊州之山君山

任臣案洞庭湖閩海陽羨

山郭曰音潛鮮野山魚山有人一目當面中生一曰是威姓

少昊之子食黍有繼無民繼無民任姓無骨子食氣魚

郭曰言有無骨人也尸子曰徐王偃有筋無骨



西北海外流沙之東有國曰中輶顓頊之子食黍有國

名曰賴丘有犬戎國有神人面獸身名曰犬戎

西北海外黑水之北有人有翼名曰苗民

郭曰三苗之民任臣案

神異經云苗民人形而腋翼不能飛為人饕餮淫佚而無度居西北荒述異記云苗氏長齒上下相冒顓

頊生驩頭驩頭生苗民苗民釐姓食肉

任臣案路史驩頭以狐功輔繆

亡其國生三苗氏注曰山海經顓帝生驩頭又云鯀妻遺腹生驩頭驩頭生苗民故世以苗民顓頊之後果爾則驩頭為禹之弟而苗民其猶子也堯試舜時禹才十歲何由有弟若姪暴恣為亂且苗民釐姓明甚而黃帝子姓第七為釐苗民為驩頭之子驩頭為帝鴻之後則驩頭縉雲之為釐姓審矣傳言三苗為縉雲氏之子蓋

驢頭猶襲縉  
雲之號也

有山名曰章山

大荒之中有衡石山九陰山洞野之山上有赤樹青葉

赤華名曰若木

郭曰生崑崙西附西極其華光赤下照地任臣案楚辭羲和之未揚若華何

光又曰折若木以拂日淮南子曰若木在建木西末有十日其華照下地注云若木端有十日狀如蓮華光照其下呂覽云菜之美者若木之華揚雄甘泉賦云飲若木之露英張平子賦撫若木而躊躇阮籍詩若木燿四海扶桑翳瀛洲江淹詩屬我崑崙景半賞爾若光初沈約遊仙詩若華有餘照淹留且晞髮王勃南郊頌序登若木以照臨楊炯渾天賦扶桑臨于海上若木照于崑崙柳宗元招海賈文舳艫紛霏兮稍若木圖贊曰若木之生崑崙是濱朱華電照碧葉玉津食之靈智為力為仁  
有牛黎之國  
任臣案國名記云儋今有

黎姥 有人無骨儋耳之子 郭曰儋耳人生無骨子也

西北海之外赤水之北有章尾山有神人面蛇身而赤

郭曰身長十里任臣案淮南云人面龍身而無足潜確類書云蛇身而赤身長千丈 直目正乘

郭曰直目目從也正乘未聞任臣案正乘言其曉不邪也 其瞑乃晦其視乃明 郭曰

言視為晝 不食不寢不息風雨是謁 郭曰言能 是燭九

陰 郭曰照九陰之幽隱也 是謂燭龍 郭曰離騷曰日安不到燭龍何耀詩含神霧曰天不足西

北無有陰陽消息故有龍銜精以往照天門中云淮南子曰蔽于委羽之山不見天日也 任臣案八景玉錄

曰乃異天之絕祝秘宣龍燭之女北鴻烈解曰燭龍在雁門北其神人面龍身而無足高誘注云龍銜燭以照

太陰蓋長十里張衡思玄賦速燭龍令執炬兮過鍾山  
而中休陸機演連珠云蘭膏停室不思銜燭之龍左思  
吳都賦亦猶棘林螢耀而與夫梲木龍燭也傅咸燭賦  
六龍銜燭于北極九日登曜于扶桑陸雲南征賦超燭  
龍之絕景豈比象于百華傳玄燈賦如亢燭龍而照玄  
方司馬彪詩冀願神龍來揚光以見燭謝惠連雪賦爛  
兮若燭龍銜耀照崑山王元長遊仙詩燭龍導輕鑣劉  
孝標啓蘄仙之望石髓太陰之望龍燭庾信誌銘曰四  
時銜火燭龍開照地之光庾闡遊仙詩仰盼燭龍曜俯  
步朝廣庭又曰玉房石槓磊砢燭龍銜輝吐火梁元帝  
玄覽賦猶然陽燄之火尚執驪龍之燭楊炯渾天賦龍  
山銜燭不能議其光景李華含元殿燭龍圻穹穴而臨  
北方常衮表云開散皇風龍含巨燭張說賦云南窮火  
鼠之鄉北盡燭龍之會李白大鵬賦燭龍銜光以照影  
列缺施鞭而啓塗又北風行燭龍栖寒門光耀猶旦開  
李邕日賦燭龍照灼以首事跋烏奮迅而演成蔣防獸

炭賦類火衆兮炎丘是託比燭龍兮崑閭斯昇胡濟黃  
柑賦若菱花之繡綺井燭龍之銜金丹李賀詩天東有  
若木下置含燭龍唐詩云燭龍之地無日光潘思筮江  
稿云燭龍銜火倚氷柱太乙經云歲星為太乙之燭龍  
王世貞太和山賦燭龍布涎神漢流液盧枏放招賦燭  
龍長暝玄豹蹲旦又泰宇賦青龍銜光以燭衛白虎擁  
鉞而先趨吳國倫書道言良于拱壁明規耀于燭龍顧  
起元詠懷詩燭龍延日光九鳳暢雲柯祝允明詩燭龍  
奔天衢不照雲下人李攀龍詩焚身香象泣照鉢燭龍  
然文鳳翔江上吟兩炬難犀代燭龍皆本此也朱健治  
平畧曰日月蟻行晉志之妄燭龍啣火天問之誣又種  
火之山日月所不照有青龍銜燭火以照山之四極同  
此類唐地里志北庭有燭龍軍亦取此義耳燭或作連  
楚辭大招曰北有寒山連龍艸只陸時雍注云連龍當  
是燭龍又乾坤鑿度曰燭龍行東時肅清行西時暝  
喚行南時大暝行北時嚴殺推測其義似不指此也

山海經廣注卷十七

欽定四庫全書

山海經廣注卷十八

仁和吳任臣注

海內經

海內經及大荒經本逸在外羅氏路史注引此通作朝鮮記

東海之內北海之隅有國名曰朝鮮

郭曰朝鮮今樂浪郡也任臣案殊

域周咨錄以其在東朝日鮮明故名朝鮮朱國貞大事記云朝鮮取朝日鮮明之義高麗亦如之前史有曰九都所謂日月兩丸者此也錢溥朝鮮國志朝鮮有三種一檀君朝鮮一箕子朝鮮一衛滿朝鮮考箕子封朝鮮傳四十一代至王準凡九百二十八年而失國于衛滿準入漢地金馬郡自立號韓王又傳二百年併入高句

麗兼有新羅百濟又學海郭曰天毒即天毒其人水居天竺國貴道

德有文書金銀錢貨浮屠出比國中也晉大興四年天竺胡王獻珍寶任臣案天毒漢書作天竺汲冢周書

作天竹杜篤傳作天筑或作天督西域記云詳夫天竺之稱舊云身毒或曰賢豆今从正音宜云印度楊文公金

沙塔記天毒之國紀于山經竺乾之師聞于柱史通志畧云天竺即捐毒也去長安九千八百六十里王治衍

敦谷北與烏孫接王崇慶釋義曰天毒疑別有意義郭以為即天竺國天竺在西域漢明帝遣使迎佛骨之地

此未知郭曰畏人愛之言其風俗柔善以兼愛為教也又韻

是非也會曰北海之隅有國曰畏人以畏人為國名未識所据

西海之外流沙之中有國名曰壑市郭曰音郝任臣案水經注流沙又



逕北渚厯  
壑市之國

西海之內流沙之西有國名曰汜葉

郭曰音如  
汜濫之汜

流沙之西有鳥山者三水出焉

郭曰三水同  
出一山也

爰有黃金

璿瑰丹貨銀鐵皆流于此中

郭曰言其中有  
雜珍奇貨也

又有淮山

好水出焉

流沙之東黑水之西有朝雲之國

任臣案水經注流沙  
又逕于鳥山之朝雲

國楊慎均藻云鳥  
山之東有朝雲國

司羗之國黃帝妻雷祖生昌意

郭曰  
世本

云黃帝娶于西陵氏之子謂之累祖產青陽及昌意  
任臣案氏族源流云黃帝元妃西陵氏謂之嫫祖生子

三人曰昌意

昌意降處若水

任臣案史記索隱云降下也言帝子為諸侯又路史

昌意為黃帝震適遜居若水注云遜謂降封之若即江之下流在蜀國名記云今越雋之臺登盟會圖疏以為郡九州要記曰臺登縣有如諾川鸛鵲山黑水之間若水出其下即斯水也在今四川黎州庾信集云昌意陵居初分若水之姓又爾綿永碑若生韓流郭曰竹書云水降居宇文常碑若水遙源本此昌意降居若水產帝乾荒乾荒即韓流也生帝顓頊任臣案氏族源流云昌意姬姓生子三人長曰乾荒次曰安季曰惇又華陽國志言昌意娶蜀韓流擢首謹耳郭曰擢首長山氏之女生子帝嚳非是韓流擢首謹耳郭曰擢首長

任臣案路史顓頊亦擢首而謹耳注謹耳小耳也

人面豕喙麟身渠股

郭曰渠車輞言

跣脚也大傳豚止

郭曰止足

任臣案黃帝祠額解云曰大如車渠韓流馮夷三面一臂豕喙豚趾莫非

子孫則妖孽取淖子曰阿女生帝顓頊郭曰世本云顓頊母濁山氏之

子名昌僕任臣案蜀國春秋云昌意娶蜀山氏女曰景嫫生乾荒乾荒娶蜀山氏曰樞是為河女所謂淖子

也生顓頊冠編曰淖子感瑤光貫月之祥于幽房而生顓頊

流沙之東黑水之間有山名不死之山郭曰即員丘也任臣案水經

注流沙又歷員丘不死之西指此山也華山青水之東有山名曰肇山有

人名曰栢高郭曰栢子高仙者也任臣案路史堯治天下栢成子皐立為諸侯禹時栢成子皐

辭為諸侯而又注云一作子高真靈位業圖曰栢成子高湯時退耕修步綱之道通變經曰老子言自開闢以

來千二百變後世得栢高上下于此至于天郭曰言朝道栢成子皐是矣翔雲天往

來此山也

西南黑水之間有都廣之野后稷葬焉

郭曰其城方三百里蓋天下之

中素女所出也離騷曰絕都廣野而直指號任臣案事物紺珠云都廣在西南方乃天地之中又八紘南為

都廣反户淮南子曰徑躡都廣入目闕節江淹賦都廣之國番禺之野黃氏續騷經過閩浮之所都兮夕以屆

乎都廣謂此也楊慎補注曰黑水廣都今之成都也素女在青城天谷今名玉女洞世紀云后稷死于黑水潢

者之野路史注稷以癸巳日薨于黑水爰有膏菽膏稻之山葬廣都之野冢去中國三千里

膏黍膏稷

郭曰言味好皆滑如膏外傳曰膏粱之子菽豆粱粟也任臣案劉會孟云嘉穀之

米炊之百穀自生

任臣案楊慎曰本是百穀自生今誤改作穀齊民要術所引可證榮即馨

皆有膏

字陳出謨曰后稷之生也誕降嘉種其沒也墓生冬夏百穀可謂與樹藝相終始矣蓋帝命率育良非偶也

播琴

郭曰播琴猶播殖方俗言耳任臣案琴疑琴字之謠言樹寂而難草也又虞汝明古琴疏曰素

女描都廣之琴溫風冬飄素雪夏零鸞鳥自鳴鳳鳥鸞自舞靈壽自華與經文畧同是直以為琴瑟之琴也

鳥自歌鳳鳥自儻靈壽實華

郭曰靈壽木名也似竹有枝節任臣案漢書

孔光傳賜大師靈壽杖孟康注扶老杖也服虔曰靈壽木名似竹有節長不過八九尺庾仲雍山水記巴鄉酒村側有谿谿中多靈壽木常璩華陽國志木道有東陽下瞿數灘山有靈壽木及橘柚也玄覽云涪陵有靈壽之木游氏臆見云靈壽木不煩削治可以扶老李時珍以為即梧櫟云

草木所聚

郭曰在此叢殖也

爰有百獸相羣爰處

郭曰于此草此群聚

也冬夏不死

任臣案圖贊曰都廣之野珍怪所聚爰有膏穀鸞歌鳳舞后稷託終樂哉斯土

南海之內黑水青水之間有木名曰若木

郭曰樹赤華青任臣案

庚信齊王憲碑若木一枝旁蔭數國唐遠方錄冊文東旌若木西旆條文明王偁詩客思員壺外雲程若木

東或謂若水出焉

任臣案郡縣釋名曰賓川州東北有金沙江山海經所謂若水也鄒應龍

詩水界金沙橫地險山聯玉帶勢天成朱國禎大事記曰金沙江源出吐蕃共龍州犁牛石下謂之犁水謠為

鹿佛經云板提有禺中之國

任臣案路史注若水之間

地當川蜀在西南方此禺

中之名有列襄之國有靈山有赤蛇在木上名曰螭蛇

木食

郭曰言不食禽獸也音如與弱之與任臣案讀書通曰螭通作螭

有鹽長之國有人焉鳥首名曰鳥氏

郭曰今佛書中有此人即鳥夷也

任臣案冠編云太昊帝咸鳥一曰帝鳥是曰鳥氏又云黃帝封風后于任錫之已姓為帝咸鳥之後于鹽長之

國以崇太昊之祀即斯地也

有九丘

任臣案冠編帝咸鳥以水絡之

郭曰絡名曰陶

唐之丘

郭曰陶唐堯號

有叔得之丘孟盈之丘

任臣案路史作孟盈古天子號

也循蜚紀蓋盈氏若水之間禹中之地有蓋盈之丘是其墟也王氏補衍亦云蓋盈氏出若水

昆吾之

丘

郭曰此山出名金也尸子曰昆吾之金

任臣案淮南子昆吾丘在南方注云祝融之孫陸終之子為夏

伯又曰日出于扶桑對于昆吾梁元帝職貢圖序踰空桑而歷昆吾謂此也

黑白之丘赤望

之丘參衛之丘武夫之丘

郭曰此山出美玉神民之丘

郭曰言上有神人

任臣案冠編二十二姓紀有神民

氏都于神民之丘王文錄補行云神民氏居神民丘三

百歲潛夫論云天地開闢爰有神民氏神異業精氣通

行一目神民氏春秋命歷叙云神皇氏駕六蜚鹿政教

百歲有木青葉紫莖玄華黃實名曰建木

任臣案游氏臆見曰

即此

建木在西方水濱鹽長之國九丘之上青葉黃實紫莖

玄華建木之下日中無景呼而無响梁簡文大法頌曰

遊經建木巡指

百仞無枝有九橰

郭曰枝回曲也音如斤斲之斲任臣案

盛唐指此耳

下有九枸

郭曰根盤錯也淮南子其

九橰葉續繡且

實如麻

郭曰似

其葉如芒

郭曰芒木似棠梨也

大皞爰過

郭曰言



此經郭曰言治有窳窳龍首是食人郭曰在

任臣案盧枏放招賦郭曰能有青獸人面名曰猩猩郭曰能

臣案李時珍本草云古之說猩猩者如豕如狗今之說

一物耶唐蒙博物記云日南有野女羣行覓夫其狀白

色偏體無衣襦周密野語云野婆出南丹州黃髮椎髻

裸形跣足腰間剖之有印方寸瑩若蒼玉文類符篆圖

贊曰能言之獸是謂猩猩厥狀似猴號音若嚶自然知

往頗測物情西南有巴國郭曰今大皞生咸鳥咸鳥生乘釐任臣案

鳥即鳥明太昊之震子也子乘釐陶潛羣輔錄鳥明主

建福亦斯人也華陽志云伏羲生咸鳥咸鳥生乘釐是

司水乘釐生後照後照是始為巴人任臣案路史帝後

照支子顧相降處于巴巴東至魚腹西連焚道北接漢  
中南極牂牁後巴滅巴子丑季流于黔而君之生黑穴  
四姓蜀志云巴人五子為五姓有巴氏樊氏暉氏相氏  
鄭氏郡縣志渝州古巴國也圖白二水東南流曲折如  
巴字故謂之巴左傳注巴國在巴郡江州縣武王伐有  
殷巴人助焉後封為巴子王會篇巴人以比翼鳥

國名曰流黃辛氏郭曰即其域中方三百里  
任臣案冠

鳥建福于民功豐德隆是曰豐隆其出是塵土郭曰言  
初國于流黃鄧其域中方三百里殷盛也

任臣案楊氏補注曰出是塵土言其地清曠無囂塵  
也董斯張吹景錄云山海經巴國方三百里其出是塵  
土用修謂其清曠無塵埃而郭注云言殷盛也子雲蜀  
都賦埃敷塵拂萬端異類財物繞瞻蓄積備具左太冲

賦市鄧所會萬商之淵二賦乃原注實錄也如楊所云長安陸海果亦遙指瀛渤耶有巴遂山澠

水出焉

任臣案水經注大度水經越雋大符縣入繩南流分為二其一東經廣柔縣注于江其一南逕

旄牛道至大符與若水合自下通謂之繩水矣即斯水也又有朱卷之國

有黑蛇青首食象

郭曰即巴蛇也

南方有賴巨人

郭曰即臬陽也音感

人面長臂黑身有毛反踵見

人笑亦笑脣蔽其面因即逃也又有黑人虎首鳥足兩

手持蛇方啗之

任臣案事物紺珠曰其人虎首持兩蛇啖之出巴遂山即此也楊慎補注云今

南方有苗名娥昌其人手持蛇啗之採樵歸籠中捕蛇數十蛇亦不能去不知何術也疑此類

有羸民鳥足

郭曰音盈

有封豕

郭曰大猪也羿射殺之臣案冠編羿禽封豕于桑林

任

梁元帝玄覽賦云戮滔天之封豕斬橫海之長鯨圖贊曰有物貪婪號曰封豕薦食無厭肆其殘毀羿乃飲羽

獻帝有人曰苗民

郭曰三苗民也

有神焉人首蛇身長如轅

郭曰

大如車轂

左右有首

郭曰岐頭

衣紫衣冠旃冠名曰延維

郭曰

澤神也

委蛇任臣案野有方皇澤有委蛇二神皆如蛇兩頭東京賦注云委蛇大如車轂代醉編曰南方神名延維

事物紺珠曰委蛇紫衣朱冠聞雷車之聲則捧其首而去又禮含文嘉曰兩頭蛇名天根曰澤圖云故澤之精

名曰冕其狀如蛇身兩頭廣博物志曰山中見大蛇冠憤者名曰升卿呼其名則吉圖贊曰夔稱一足蛇則二

首少不知無多不覺有

人主得而饗食之伯天下

郭曰齊桓

雖資天然無異駢拇

公出田于大澤見之遂伯諸侯亦見莊周作朱冠任  
臣案宋大觀中黃河得兩首龜蔡京以為即齊小白所  
見者當伯天下考其有鸞鳥白歌鳳鳥白舞鳳鳥首  
形狀與此畧異非是

文曰德翼文曰順膺文曰仁背文曰義見則天下和曰郭

言和平也任臣案論語摘哀聖曰鳳有六象一曰頭  
像天二曰目像日三曰背像月四曰翼像風五曰足像

地六曰尾像緯有九苞一曰口苞命二曰眼含度三曰  
目總達四曰舌詘伸五曰色彩光六曰冠矩周七曰距

銳鉤八曰音激揚九曰腹文戶行鳴曰歸嬉止鳴  
曰提扶夜鳴曰善哉晨鳴曰賀世飛鳴曰即都又有

青獸如菟名曰菡狗郭曰音如朝菡之菡任臣案事  
物紺珠云菡狗如兔青色駢雅曰

菡狗兔屬也又長慶二年吐蕃出獸如猴而腰有翠鳥  
尾皆長色青迅猛食人或以為即菡狗類也

任臣案王會解蒼吾翡翠爾雅翠鸛注云似燕綠色出鬱林說文曰翡翠青赤鳥辭詁曰鸛翠別名也孝經援神契云神靈滋液則翡翠耀異物志曰翠大如燕腹背純赤民捕食之廣志曰翡出交趾與古縣交州志曰翡翠出九真似鸛鸛晉令云翡鳥不得西度隴圖贊曰翠雀麋鳥越在西海羽不供用肉不足宰懷璧其罪賈害以有孔鳥郭曰孔雀也任臣案王會解方人以孔雀采爾雅翼云孔雀生南海尾凡七年而後成長六七尺展開如車輪金翠斐然始春而生至三四月後彫與花萼同榮衰春秋元命苞曰火離為孔雀續漢書曰南蠻西域俱出孔雀吳地里志曰交趾西子縣產孔雀郡內朱崖皆有之張璠漢紀云條支出師子孔雀南越志曰義寧縣杜山多孔雀為鳥不必疋合以音影相接有孕五侯鯖云孔雀出條支又出滇南因雷而孕南海之內有衡山郭曰有茵山郭曰音芝茵任臣案南嶽有茵山真誥曰句曲之山有名

茵山此山至佳注云山形當如茵郭曰或云衡孤立亦或是困倉之困形如困也有桂山山有茵桂桂

員似竹有山名三天子之都郭曰一本三

南方蒼梧之丘任臣案逸周書作倉吾東華真人煮石經云舜嘗登蒼梧之山曰厥金玉之香

草朕用偃蒼梧之淵其中有九嶷郭曰音疑山舜之所葬在

長沙零陵界中郭曰山今在零陵營道縣南其山九谿皆相似故云九疑古者摠名其為蒼梧

也任臣案元結九疑山圖記九疑山方二十餘里世稱九峯相似望而疑之亦云舜望九峯疑禹而悲從臣

有作九悲之歌因謂之疑羅合湘中記云衡山九疑有舜廟遙望衡山如陣雲沿湘千里九向九背乃不復見

郡國志曰九疑山九峯一曰丹朱峰二曰石城峯三曰樓峯四曰娥皇峯五曰舜原峯六曰女英峯舜墓于此

七曰簫韶峯八曰紀峯九曰紀林峰集仙傳云九疑山有九峯峰有一水九水者銀花水復淑水巢水許泉歸水沙水金花水冰安水晉水楚辭九歌云九疑續紛兮並迎淮南曰九疑之南陸事寡而水事多漢書云武帝南巡狩至于盛唐望視舜于九疑王應麟曰九疑山在零陵而云舜葬蒼梧者文穎云九疑半在蒼梧半在零陵北海之內有蛇山者蛇水出焉東入于海有五彩之

鳥飛蔽一鄉

郭曰漢宣帝元康元年五色鳥以萬數過蜀都即此鳥也名曰翳鳥郭曰

鳳屬也離騷曰馳王虬而乘翳任臣案翳即鸞也瑞應圖云鸞乃赤神之精鳳皇之佐首翼赤曰丹鳳青曰羽翔白曰化翊玄曰陰翳黃曰土符路史引經作鸞上林賦云拂鸞鳥即此也又有不距之山

巧倕葬其西

郭曰倕堯巧工也音瑞任臣案路史垂臣高辛為堯共工不貴獨功死葬不距之



山楊慎云  
不古玉字

北海之內有反縛盜械帶戈常倍之佐名曰相顧之尸

郭曰亦貳負之臣危之類任臣案帝乘釐之孫相顧也陳禹謨駢志云貳負之臣相顧之尸謂此胡氏二酉綴遺曰据前貳負之臣本文但言帝枯之疏属之山不言殺也但言繫之于樹不言石室也則子政之對當言相顧之尸不當曰貳負之臣也然則上郡所得豈即斯人哉王崇慶釋義曰反縛之說恐古者墓中設為機巧變械以防伐豕之術非真有盜縛也又漢紀云當盜械者皆頌繫注云凡以罪著械皆得稱盜械山海經貳負之臣相顧之尸皆伯夷父生西岳任臣案路史伯夷生云盜械其義是也伯夷父生西岳泰嶽伯夷為虞心呂封于呂子泰嶽襲呂餘列四嶽之官書大傳云伯夷之子為西嶽西岳生先龍先龍是

始生氏羌氏羌乞姓

郭曰伯夷父顓頊師今氏羌其苗裔也任臣案路史先龍生元氏

元氏乞姓羌也蓋岐隴而南漢川以西皆氏云湯革夏伐氏氏人來朝其別為青白蚘之三氏氏羌數十白馬

最大今文鳳二竟白馬氏者居仇池曰氏侯商頌云自彼氏羌地里志隴西有氏道羌道氏類種名王會篇西

羌以鸞鳥注羌不同故謂之氏羌賈捐之曰成王地西不過氏羌又黃氏曰羌古姜姓三苗之後此云乞姓明

非一種也

北海之內有山名幽都之山

任臣案即朔方之幽都鴻烈解云西北方曰不周之

山曰幽都之門又云北撫幽都南道交趾楊雄甘泉賦云西耀流沙北橫幽都羅泌云一曰北國黑水

出焉其上有玄鳥玄蛇玄豹

任臣案王會解屠州玄豹六韜曰散宜生懷塗山玄

豹獻紂顧起元帝京賦幽都之  
豹九文陽光之蛇千里謂此  
玄豹郭曰黑虎名麒麟見爾雅任臣案黑

虎又名麟說文作麟晉永  
嘉四年秭歸縣檻得之  
玄狐蓬尾郭曰蓬叢也咀留反說苑曰蓬狐文

豹之皮任臣案孫氏瑞應圖王者政治太平則黑狐見稽瑞錄云黑狐蓬尾本此也  
有大玄之

山有玄丘之民郭曰言丘上人物盡黑也  
有大幽之國郭曰即幽民也穴居無衣

有赤脰之民郭曰膝已下盡赤色

有釘靈之國其民從膝已下有毛馬蹄善走郭曰詩含神霧曰馬

蹄自鞭其蹄日行三百里任臣案釘靈今丁靈國又名丁令亦作丁零在康居北玄覽云丁零之國拳髮馬

蹄馬腦之民雁聲馬蹄江淹遂古篇云馬蹄之國善騰奔兮此也文獻通考曰丁零國有二在朔方北者為北

丁令在烏孫西者為西丁令烏孫長言北丁令有馬腦國其人聲音似雁鶩從膝以下生毛馬脰馬蹄不騎馬而走疾于馬三才圖會云丁靈至應天馬行二年也埤雅廣要作下靈國似誤又五代史載牛蹄夷厥在黑車子北其人人身牛足亦與此類

炎帝之孫伯陵

任臣案路史炎帝器生鉅及伯陵伯陵為黃帝臣封于逢左氏言齊之先逢伯

陵是也物原云伯陵始造泉刀氏族考引經云帝器生子三人曰鉅曰伯陵曰祝庸與本文異伯陵同

吳權之妻阿女緣婦

郭曰同猶通言淫之也吳權人緣姓名任臣案阿女一作何女

婦孕三年

郭曰孕懷身也

是生鼓延是始為侯

郭曰三子名也任臣案路史

伯陵生三子曰爰曰鼓曰延爰之後有新為堯臣鼓兌頭而軼軼與延同事是始樂風為編鍾又歸藏云麗山

氏之鼓延是始為鍾郭曰世本云母為樂風郭曰作樂之曲制

黃帝生駱明駱明生白馬白馬是為鯀郭曰即禹父也世本曰黃帝生

昌意昌意生顓頊顓頊生鯀任臣案史紀高陽子熙

帝生駱明駱明生白馬白馬生鯀故曰顓頊五代而生

鯀熙帝即孺帝又氏族源流云顓頊妃帝俊生禹號禹

號生淫梁淫梁生番禺任臣案路史曰番禺即禺一作

號生禺京僬梁僬人京居北海號處南海僬是始為舟

郭曰世本云共番禺生奚仲任臣案羅泌曰或曰禹湯

鼓貨狄作舟任臣案羅泌曰或曰禹湯

子第十二人以薛為姓一為奚仲生吉光吉光是始以

任氏六世生奚仲俱非也

山海經廣注

十三

木為車

郭曰世本云奚仲作車此言吉光少皞生般郭明其父子共創作意是以互稱之

音班

任臣案宛委餘編引此作少皞生般誤

般是始為弓矢

郭曰世本云年夷作矢揮作弓

矢弓矢一器作者兩人于義有疑此言般之作是任臣案世本臘作駕古史考黃帝作弩中華古今注云羿

作弓乘雉作駕新唐書表稱少昊第五子揮為弓正始制弓矢與經畧異帝俊賜羿彤弓素

矰郭曰彤弓朱弓矰矢名以白羽羽之外傳白羽之矰望之如荼也任臣案隨巢子云奚祿山壞天賜玉

玦于羿宮孫子云羿得以扶下國郭曰言令羿以射羿寶弓犀質玉文曰珧弧道除患扶助下國

是始去恤下地之百艱郭曰言射殺鑿齒封豕之屬也有窮后羿慕羿射故號此名也

帝俊生晏龍晏龍是為琴瑟郭曰世本云伏羲作琴神農作瑟任臣案虞

汝明古琴疏晏龍者帝俊之子也有良琴六一曰菌首  
二曰義輔三曰蓬明四曰白民五曰簡開六曰垂漆吳  
淑琴賦曰或云晏龍初製或曰神農始造帝俊有子八人是始為歌舞任臣案路

史注作舜有子八人始歌舞然舜有庶子主闕負帝俊  
遂等七人帝王世紀又云九人豈即經所指與

生三身三身生義均任臣案學海曰經所紀諸國多云

黃帝或以為嚳或以為舜要之聖德廣被無遠弗屆相  
傳謂其後代未必皆子孫也而神明之胄亦多轉旋異  
域有不可以概論者又路史曰續牙友舜于貧貴而棄  
之為續氏注云山海經帝俊生身是也蓋隸者多以牙  
為身云然南荒經言娥皇生三身義均是始為巧倕是  
則三身非續牙明已未可据也

始作下民百巧后稷是播百穀稷之孫曰叔均是始作

牛耕

郭曰始用牛犁也後為度辰度辰即棄也

任且案后稷有二前為帝柱冠編云稷取姑人是生釐

鹽釐鹽生叔均

大比赤陰

郭曰或作音

是始為國

郭曰得封為國任臣案稷封于卬

又作台釐駘疑叔均即襲祖封

禹絲是始布土均定九州

郭曰布猶敷也書曰禹敷

土定高山大川炎帝之妻赤水之子聽訖生炎居

任臣案路史炎帝來生炎

居母桑水氏曰聽訖冠編云亦曰承桑氏又劉恕外紀神農納奔水氏之女曰聽訖生臨料史記補云神農納

奔水氏之女曰聽訖為妃生帝哀語多不同當以羅氏為斷太平御覽曰訖音妖生常林女子宜有訖音或作

談作鄭

炎居生節並節並生戲噐噐生祝融

郭曰祝融高辛

氏火正號

任且案通鑑外紀曰帝衷又曰帝居生節莖節莖生克及戲廖道南楚紀亦云帝哀生節莖節莖



生克及戲戲生器生生  
祝融祝融路史作祝祝融降處于江水生共工任臣案續

雅曰壬夫玄冥之子也丁共工生術器任臣案楚紀作

術器首方顛郭曰頭是復土穰以處江水郭曰復祝融之所也任

臣案蛙螢子祝融共工上世俱有七人此祝融為炎帝裔黃帝之司徒也居江水生共工共工生術器及勾龍

術器襲共工號在顛項時作亂帝命辛侯誅之以其弟勾龍為后土汲冢瑣語云晉平公夢見赤熊窺屏惡之

問子產子產曰昔共工之御浮游既敗于顛項自共工沒深淮之淵其色赤其狀如熊即術器之臣也

生后土任臣案祭法曰共工氏之伯九州也其子曰后土能平九州路史云術器生條及勾龍以后土

為術器之子未審是非又羅莘注言共工垂為勾龍子證山海經共工生后土之謬蓋不知共工之有七也

后土生噎鳴

任臣案羅泌云伯夷為共工垂子噎鳴即伯夷也生歲十二泰嶽諸說紛紜未能通

也噎生歲十有二

郭曰生十二子皆以歲名名之故云然任臣案義和以為日名子商代

以為干紀名即此義

洪水滔天

郭曰滔漫也

鯀竊帝之息壤以堙洪水

郭曰息壤者言上自長息無限故可以塞洪水也開筮曰滔滔洪水無所止極伯鯀乃以息石息壤以填洪水

漢元帝時臨淮徐縣地踊長五六里高二丈即息壤之類也

任臣案丹鉛摘錄曰說文壤柔土也山海經云

竊帝之息壤蓋指桑土稻田可以生息皆君所授于民者故曰帝之息壤鯀治水不順水性決耕桑之畝畝坊

淫潦之洪流是竊帝之息壤楊氏之言誠辨矣然淮南子云禹以息壤堙洪水羅泌路史云江漢之壤鎮鎮水

旱蘇軾息壤詩序息壤有石不可犯畚插所及輒復如故高子勉息石序息石在江陵莊嚴寺又溟洪錄云


唐元和初裴宇鎮荊州掘深六尺得一石規模悉倣江陵城制命徙置藩籬間毀之是春淫雨四月不止裴復舊石雨止厥後高從誨鎮荊州出經其處問書記孫光憲對曰伯禹治水自岷至荆定彼原泉之穴慮萬世下或有汎濫爰以石屋鎮之耳王堂間話云江陵南門外雍門內禹鑄石造龍宮置于穴中以塞水脉江陵圖經亦言于城南門地隆起闕牛馬狀去之一夕如故是繇用息壤而殛死禹用息壤而成功則息壤實在江陵之地非泛言生息之壤也又永州龍興寺東北亦有息壤平之而又高見柳宗元記秦邑亦名息壤甘茂傳所謂秦王迎甘茂于息壤是也真誥曰玄帝西行天下周旋八外諸有洞臺之山陰宮之丘皆移闕息之石封而鎮之是息壤息石不待帝命帝令祝融殺繇于羽郊郭之名其來舊矣

羽山之郊任臣案朱子楚辭辨證曰經云繇竊帝之息壤以堙洪水帝令祝融殛之羽郊詳其文意所謂帝

者似指上帝蓋上帝欲息此壤不欲使人干之故鯀竊之而帝怒也又祝融顓帝之後死而為神蓋言上帝使其神誅鯀也若堯舜時則無此人久矣又案子厚息壤記云昔之異書有記洪水滔天鯀竊帝之息壤諸語其言不經見蓋鯀復生禹郭曰開筮曰鯀死三歲不腐帝即此文也

乃命禹卒布土以定九州

郭曰鯀績用不成故復命禹終其功



山海經廣注卷十八